

"Бейнеу-Бозой-Шымкент" магистральды газ құбыры бойында орналасқан "Түркістан" компрессорлық станциясының күзет аймағын белгілеу және олардағы жерді пайдалану режимін айқындау туралы

Түркістан облысы әкімдігінің 2024 жылғы 30 желтоқсандағы № 277 қаулысы. Түркістан облысының Әділет департаментінде 2024 жылғы 31 желтоқсанда № 6648-13 болып тіркелді

Қазақстан Республикасының Жер кодексінің 121-бабына, Қазақстан Республикасының "Магистральдық құбыр туралы" Заңының 14-бабына, "Қазақстан Республикасындағы жергілікті мемлекеттік басқару және өзін-өзі басқару туралы" Заңының 27-бабының 1-тармағының 8) тармақшасына сәйкес, Түркістан облысының әкімдігі ҚАУЛЫ ЕТЕДІ:

1. "Түркістан" компрессорлық станциясының күзет аймағы осы қаулының 1-қосымшасына сәйкес белгіленсін.
2. "Түркістан" компрессорлық станциясының күзет аймағындағы жерді пайдалану режимі осы қаулының 2-қосымшасына сәйкес айқындалсын.
3. Осы қаулының орындалуын бақылау Түркістан облысы әкімінің жетекшілік ететін орынбасарына жүктелсін.
4. Осы қаулы оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Түркістан облысының әкімі

Д. Сатыбалды

Түркістан облысы әкімдігінің
2024 жылғы 30 желтоқсандағы
№ 277 қаулысына 1-қосымша

"Бейнеу-Бозой-Шымкент" магистральды газ құбыры бойында орналасқан "Түркістан" компрессорлық станциясының күзет аймағында орналасқан жер уческелерінің экспликациясы

№	Жер пайдаланушылар	Кадастрлық номері	Жер көлемі, га	Күзет аймағы түсетін аумағы, га	Жер уческесінің санаты
1	"Бейнеу-Шымкент Газ құбыры"	19331001033	1,6605	0,64	Өнеркәсіп, көлік, байланыс жері, ғарыш қызметі, қорғаныс, ұлттық қауіпсіздік, ядролық қауіпсіздік аймағы мұқтажына

	жауапкершілігі шектеулі серіктестігінің				арналған жер және ауыл шаруашылығын а арналмаған өзге де жер
2	"Бейнеу-Шымкент Газ құбыры" жауапкершілігі шектеулі серіктестігінің	19331001035	2,5860	1,17	Өнеркәсіп, көлік, байланыс жері, ғарыш қызметі, қорғаныс, ұлттық қауіпсіздік, ядролық қауіпсіздік аймағы мұқтажына арналған жер және ауыл шаруашылығын а арналмаған өзге де жер
3	"Бейнеу-Шымкент Газ құбыры" жауапкершілігі шектеулі серіктестігінің	19331001037	0,3652	0,09	Өнеркәсіп, көлік, байланыс жері, ғарыш қызметі, қорғаныс, ұлттық қауіпсіздік, ядролық қауіпсіздік аймағы мұқтажына арналған жер және ауыл шаруашылығын а арналмаған өзге де жер
4	"Бейнеу-Шымкент Газ құбыры" жауапкершілігі шектеулі серіктестігінің	19331001038	2,0076	0,89	Өнеркәсіп, көлік, байланыс жері, ғарыш қызметі, қорғаныс, ұлттық қауіпсіздік, ядролық қауіпсіздік аймағы мұқтажына арналған жер және ауыл шаруашылығын а арналмаған өзге де жер
					Өнеркәсіп, көлік, байланыс жері, ғарыш қызметі,

5	" Бейнеу-Шымкент Газ құбыры" жауапкершілігі шектеулі серіктестігінің	19331001039	0,8719	0,26	қорғаныс, ұлттық қауіпсіздік, ядролық қауіпсіздік аймағы мұқтажына арналған жер және ауыл шаруашылығын арналмаған өзге де жер
6	" Бейнеу-Шымкент Газ құбыры" жауапкершілігі шектеулі серіктестігінің	19331001040	1,5716	0,26	Өнеркәсіп, көлік, байланыс жері, ғарыш қызметі, қорғаныс, ұлттық қауіпсіздік, ядролық қауіпсіздік аймағы мұқтажына арналған жер және ауыл шаруашылығын арналмаған өзге де жер
7	Амангелдіұлы Ерлан	19331001194	125	1,15	Ауыл шаруашылығы мақсатындағы жер
8	Амангелдіұлы Ерлан	19331001195	12	2,15	Ауыл шаруашылығы мақсатындағы жер
9	Ауданның арнайы жер қоры құрамына енгізілген жерлер			29,13	Ауыл шаруашылығы мақсатындағы жер
Барлығы:			146,0628	35,74	

Түркістан облысы әкімдігінің
2024 жылғы 30 желтоқсандағы
№ 277 қаулысына 2-қосымша

"Бейнеу-Бозой-Шымкент" магистральды газ құбыры бойында орналасқан "Түркістан" компрессорлық станциясының күзет аймағындағы жерді пайдалану режимі

"Бейнеу-Бозой-Шымкент" магистральды газ құбыры бойында орналасқан "Түркістан" компрессорлық станциясының күзет аймақтарында:

1) өткелдерді, кара жолдарды және магистральдық құбыр трассасы мен оның күзет аймағын өзге де уақытша немесе тұрақты көлікпен кесіп өтудің орналасу орындарын, салу, жайластыру және пайдалану тәртібін магистральдық құбырдың меншік иесімен келіспей, орнатуға;

2) бағбандыққа және орман өсіруге, сондай-ақ жер жырту тереңдігі отыз бес сантиметрден аспайтын далалық ауыл шаруашылығы дақылдарын өсіру үшін агротехникалық жұмыстар кешенінен басқа, магистральдық құбырдың меншік иесімен келісілмеген кез келген жұмысты орындауға;

3) магистральдық құбырдың меншік иесі не оператор жайластырған, магистральдық құбырға қызмет көрсету мен оның физикалық қорғалуын қамтамасыз етуге арналған жолдарды рекультивациялауға, сондай-ақ магистральдық құбырда өртке қарсы және күзет функцияларын орындайтын қызметкерлердің осы жолдармен қозғалысына, Қазақстан Республикасының заңнамасында белгіленген жағдайларды қоспағанда, кедергі келтіруге;

4) кез келген құрылыстар мен ғимараттар салуға;

5) автомобиль көлігі құралдарының, тракторлар мен механизмдердің тұрақтарын ұйымдастыруға;

6) мелиоративтік жер жұмыстарын жүргізуге, суару және құрғату жүйелерін салуға;

7) магистральдық құбырдың меншік иесінің келісімінсіз тау-кен, құрылыс салу, монтаждау және жару жұмыстарын жүргізуге, жерді тегістеуге;

8) ұңғымалар, тікқазбалар орнатуға және топырақ сынамаларын (топырақ үлгілерінен басқа) алуға байланысты геологиялық түсіру, іздеу, геодезиялық және басқа да іздестіру жұмыстарын жүргізуге жол берілмейді.